

font pas si grands icy qu'en France, il y a des personnes charitables qui font quelquefois bien aises de donner dequoy pouruoir vne fille, soit en la mariant soit en la mettant en religion, si vous faisiez vne pareille rencontre cela feroit grand plaisir à celles qui font desia toutes habituées icy; entre autres à vne qui à le desir d'estre religieuse depuis douze ans & est agée de vingt, elle ne nous a déclaré son dessein que l'année passée croyant estre receuë à cause du besoin que nous en auons, nous la receurions tres volontiers si nos superieurs nous le vouloient permettre, Voyez Monsieur, s'il se pourra faire quelque chose, i'ay promis à cette bonne fille de vous en escrire, ce que [8] ie fais de bon cœur, sçachant vostre grande charité & amour pour les pauures, dont le Canada est fort plein, iamais il n'y en a eu si grand nombre: depuis le depart des vaisseaux nous auons eu quatre huguenots fort malades, & fort obstinez en leur fausse creance, nous auons pris toutes les peines imaginables pour les mettre dans le veritable chemin du Paradis, mais inutilement & sans aucun fruit en apparence, iusqu'à ce que nostre Seigneur (à qui seul appartient de benir les moments & de sanctifier les travaux de ses esclûs) rengregant le mal de ces pauures aueuglez en tira le salut de leurs ames, & de telle forte que nous fumes toutes remplies de ioye & d'admiration considerant vn changement si subit & des sentimens si chrestiens en des personnes qui durant tout le reste de leur vie n'auoient pas eu la moindre idée de [9] pieté; le comble de nostre consolation est qu'ils font morts dans ces bonnes dispositions, & mesme l'vn d'eux mourut vn moment apres auoir receu le saint Viatique & ietta le dernier soupir en produisant vn acte d'amour de Dieu, Vous